

# होली बाबा से खेल्यावांगा रुणिचा चालो



होली बाबा से खेल्यावांगा,  
रुणिचा चालो,  
रुणिचा चालो रे,  
बाबा के चालो।bd।

---

फागण म म्हारो रामधनी तो,  
रंग रंगीलो दिखे,  
दूर दूर से आवे जातरी,  
रंग गुलाल उड़ावे,  
की मेलो बाबा को देख्यावांगा,  
रुणिचे चालो।bd।

---

बाबा के दरबार माहीने,  
रंग हबीब उडास्या,  
सूरत देखी रामधनी की,  
चन्दन खूब लगास्या,  
की आपा बाबा से मिल्यावांगा,  
रुणिचे चालो।bd।

---

झांझ मजीरा चंग बजास्या,  
झूम झूम कर नाचा,  
रामधनी के रंग रंगोड्या,  
भक्त सदा ही साँचा,  
की आपा बाबा न मनावांगा,  
रुणिचे चालो।bd।

---

लीले रो असवार रामदेव,  
पर्चा खूब दिखावे,  
भगता माही भीड़ पड़े तो,  
लीले चढ़ न आवे,  
लीले वाले न रिझावांगा,  
रुणिचे चालो।bd।



अन धन का भंडार भरया है,  
दोनों हाथ लुटावे,  
मन चाया वरदान मिले है,  
जो कोई आस लगावे,  
की डोरी प्रीत की बांध्यावांगा,  
रुणिचे चालो।bd।

---

सांचा पर्चा देवन वालों,  
अजमल जी को लालो,  
दास गोपालो भजन सुनावे,  
रुणिचा में चालो,  
की जम्मो जागन लगावांगा,  
रुणिचे चालो।bd।

---

होली बाबा से खेल्यावांगा,  
रुणिचा चालो,  
रुणिचा चालो रे,  
बाबा के चालो।bd।

गायक – गोपाल सोनी रतनगढ़।  
9982095020

---